

# Pembahagian kekayaan boleh dilaksanakan: PM

BH 11 SEP 2001  
Oleh Daud Awang

SINGAPURA, Isnin - Datuk Seri Dr Mahathir Mohamad malam ini menggesa negara miskin mengemukakan cadangan untuk membentuk dunia yang lebih adil.

Berucap pada majlis penerimaan Anugerah Kecemerlangan Milenium Asean, di sini malam ini, Perdana Menteri yang diiktiraf sebagai suara bagi Dunia Ketiga, berkata pengagihan kekayaan yang sama rata boleh dilaksanakan tetapi arah aliran globalisasi sekarang cuma menguntungkan segelintir negara.

Ini kerana, katanya, negara kaya mempunyai modal untuk merebut peluang daripada pasaran tanpa sempadan.

"Dunia memang kaya dengan sumber. haik kemanusiaan mahupun material. Tiada sebab mana-mana negara harus miskin. Ia memungkinkannya kekayaan diagihkan secara lebih adil dan sama rata," katanya pada majlis jamuan yang dihadiri oleh 700 tokoh perniagaan dari rantau ini di Hotel Ritz Carlton.

Bekas presiden Singapura Wee Kim Wee menyampaikan anugerah itu, yang diberikan oleh Forum Perniagaan Asean sebagai menghargai usaha Dr Mahathir menjadikan Malaysia sebagai negara contoh dan dinamik serta sumbangannya kepada Persatuan Negara-negara Asia Tenggara (Asean).

Mcnteri Kanan Singapura Lee Kuan Yew juga diberi penghormatan apa-

bila menerima anugerah sama kerana peranannya ke arah transformasi Singapura dan sumbangannya kepada Asean.

Kedua-dua pemimpin itu disenaraikan bersama pemimpin terkemuka Asia abad ke-20, seperti Mahatma Gandhi, Mao Tse Tung dan Deng Xiao Ping, menurut kata-kata pujian bagi dua pemimpin itu yang diraikan pada satu majlis makan malam eksklusif.

Turut hadir isteri Perdana Menteri, Datin Seri Dr Siti Hasmah Mohd Ali, Menteri Kerja Raya Datuk Seri S Samy Vellu, Menteri Perdagangan Dalam Negeri dan Hal Ehwal Pengguna, Tan Sri Muhyiddin Yassin, pengarah eksekutif Majlis Tindakan Ekonomi Negara Datuk Mustapa

Mohamed dan Menteri Besar Johor Datuk Abdul Ghani Othman.

Dr Mahathir berkata, setakat ini idea mengenai masa depan datangnya dari Barat dan sudah tiba masanya negara miskin dan negara anggota Asean mengemukakan idea sendiri.

Perdana Menteri berkata Asean boleh memainkan peranan untuk membentuk orde ekonomi dunia yang lebih adil dengan menjaga kepentingan semua 10 negara anggotanya dan bersatu dalam rundingan pusingan terbaru Pertubuhan Perdagangan Dunia (WTO).

"Kita harus mengetahui sepe-nuhnya tentang kemungkinan dan

LHAT MUKA 4

## Negara miskin perlu diberi peluang, perlindungan: Dr M

### DARI MUKA 1

bahaya yang akan kita hadapi berikutan pelaksanaan peraturan ekonomi antarabangsa yang baru sebelum kita bersertai bagi rundingan pusingan terbaru WTO," katanya.

Beliau berkata, negara miskin harus diberi peluang dan perlindungan kerana tidak realistik untuk mendesak supaya semua pihak mengamalkan dasar dan amalan yang standard kerana perbezaan tahap pembangunan.

Dr Mahathir berkata, isu bukan perdagangan seperti standard perburuhan, hak asasi manusia, demokrasi dan buruh kanak-kanak juga tidak kurang penting tetapi harus ditangani pada forum lain dan tidak dikaitkan dengan perdagangan kerana ia akan menimbulkan beban yang berat ke atas negara membangun.

Perdana Menteri mengulang cadangannya supaya cukai dikenakan ke atas perniagaan antarabangsa yang kaya dan kutipan daripada cukai itu boleh digunakan untuk membina infrastruktur di negara miskin bagi merangsangkan pembangunan ekonomi.

Apabila menjadi kaya, negara berkenaan akan bersedia untuk membeli barangan dan perkhidmatan dari negara maju yang kaya, kata Dr Mahathir.

Beliau juga menyuarakan kebimbangan negara tidak lagi akan bersifat bebas, kelihatan kerdil dan dikuasai oleh syarikat gergasi disebabkan penggabungan dan pemilikan yang dijalkan.

"Mungkin, ini baik bagi kecekapan walaupun saya meragukannya. Tetapi apabila syarikat menjadi kaya dan lebih besar daripada kebanyakan negara, ia ten-

tu mahu menetapkan syarat kepada seluruh dunia bagi memenuhi sifat tamak yang tidak terbatas.

"Negara-negara tidak lagi bersifat bebas. Mereka

cuma menjadi unit yang memberi khidmat kepada bank dan syarikat besar," katanya.

Dr Mahathir juga mengambil peluang untuk me-

ngulangi kepercayaannya kepada Asean yang menu-rutnya sudah mencapai perpaduan dan keupayaan bagi tindakan bersama sejak ditubuhkan 34 tahun lalu.